

Dè na sochairean teaghlaich a tha Tèarainteachd Shòisealta Alba a' lìbhrigeadh?

Sochair	Pàigheadh	Airidheachd
Pàigheadh Pàiste na h-Alba Pàigheadh airson gach pàiste gus cuideachadh le cosgaisean a thaobh taic a chumail ri teaghlach.	£108.60 gach 4 seachdainean.	Clann gus an 16mh co-latha-breith.
Pàigheadh Leatromachd agus Leanaibh Tabhartas an Tòiseachaidh as Fheàrr Pàigheadh airson cuideachadh le cosgaisean leatromachd no coimhead às dèidh leanabh.	Pàigheadh de £767.50 airson a' chiad leanabh agus £383.75* airson clann a bharrachd.	Cuir iarrtas a-steach bho dheireadh an 24 ^{mh} seachdain de leatromachd gus am bi an leanabh 6 mìosan a dh'aois.
Pàigheadh Tràth-ionnsachaidh Tabhartas an Tòiseachaidh as Fheàrr Pàigheadh airson gach pàiste gus cuideachadh le cosgaisean tràth-ionnsachaidh.	Aon phàigheadh de £319.80	Cuir a-steach nuair a tha pàiste eadar 2 agus 3.5 bliadhna a dh'aois. Faodaidh daoine cur a-steach air a shon fhathast fiù 's mura h-eil pàiste a' gabhail àite ann an sgoil-àraich.
Pàigheadh Aois Sgoile Tabhartas an Tòiseachaidh as Fheàrr Pàigheadh airson gach pàiste gus cuideachadh le cosgaisean ullachadh airson na sgoile.	Aon phàigheadh de £319.80	Cuir a-steach sa bhliadhna a tha pàiste a' ruigsinn aois gus tòiseachadh san sgoil. Faodaidh daoine iarrtas a dhèanamh fhathast agus am pàigheadh fhaighinn ma tha pàiste a' cur dàil air tòiseachadh san sgoil.
Biadh Tòiseachaidh as Fheàrr Airgead air cairt chip-is-piona ro-phàighte gus biadh fallain a cheannach leithid uighean, bainne, measan, glasraich agus peasraichean.	● £21.60 gach 4 seachdainean tron leatromachd ● £43.20 gach 4 seachdainean bho àm breith gu ciad cho-latha-breith an leanaibh ● £21.60 gach 4 seachdainean airson pàiste sam bith bho 1 bhliadhna a dh'aois gus an ruig am pàiste 3.	Cuir iarrtas a-steach bho leatromachd gus an ruig am pàiste 3 bliadhna a dh'aois.

* Ann an cuid de shuidheachaidhean, dh'fhaodadh gum faigheadh daoine am pàigheadh nas àirde de £767.50 airson clann a bharrachd. Nam measg tha daoine a b' fheudar an dachaigh fhàgail air sgàth droch-dhiol san dachaigh, feadhainn a fhuair inbhe fògarraich agus cuid de luchd-cùraim a ghabh uallach airson pàiste nas sine na 1 bhliadhna a dh'aois.

Pàighidhean fèin-obrachail de Phàigheadh Tràth-ionnsachaidh agus Pàigheadh Aois Sgoile Tabhartas an Tòiseachaidh as Fheàrr

Faodaidh sinn a-nis pàighidhean fèin-obrachail a dhèanamh airson nan sochairean seo gun fheum sam bith iarrtas a chur a-steach. Ma gheibh daoine Pàigheadh Pàiste na h-Alba agus ma tha am pàiste aca a' coileanadh nan cumhaichean aoise, bidh Tèarainteachd Shòisealta Alba cuideachd a' dèanamh cinnteach gu fèin-obrachail gum faigh iad Pàigheadh Tràth-ionnsachaidh Tabhartas an Tòiseachaidh as Fheàrr agus Pàigheadh Aois Sgoile Tabhartas an Tòiseachaidh as Fheàrr.

Cò gheibh na pàighidhean seo?

Faodaidh daoine cur a-steach airson nam pàighidhean seo ge bith a bheil iad ag obair gus nach eil. Faodaidh daoine a bhith airidh ma tha iad fhèin, no an cèile, nam pàrant no neach-cùraim làn-ùine de phàiste agus ma tha iad a' faighinn shochairean sònraichte.

Airson Tabhartas an Tòiseachaidh as Fheàrr agus Biadh Tòiseachaidh as Fheàrr, chan fheum daoine fo aois 18 a bhith a' faighinn shochairean sam bith gus iarrtas a dhèanamh. Faodaidh daoine a tha 18 no 19 agus nach eil a' faighinn shochairean no pàighidhean iarrtas a dhèanamh fhathast airson Tabhartas an Tòiseachaidh as Fheàrr no Biadh Tòiseachaidh as Fheàrr ma tha am pàrant no an neach-cùraim aca a' faighinn shochairean sònraichte.

Ciamar a chuireas daoine iarrtas a-steach?

Gheibhear tuilleadh fiosrachaidh agus faodar iarrtas a chur a-steach air-loidhne aig mygov.scot/familybenefits. Faodaidh daoine cuideachd cur a-steach air a' fòn no foirm-iarrtais pàipeir iarraidh tron phost le fòn a chur thugainn an-asgaidh air **0800 182 2222**.

Dè na sochairean buntainneach airson nam pàighidhean seo?

Creideas Coitcheann, Taic Teachd-a-steach, Creideas Peinnsein, Cuibhreann Sireadair-obrach (JSA) Stèidhichte air Teachd-a-steach, Cuibhreann Cosnaidh agus Taice (ESA) ceangailte ri teachd-a-steach, Sochair Taigheadais (Tabhartas Tòiseachaidh as Fheàrr agus Biadh Tòiseachaidh as Fheàrr a-mhàin)

Chan fheum sinn fios a bhith againn mu theachd a-steach cuideigin nuair a tha sinn a' measadh airidheachd air gin de na pàighidhean.

Ciamar as urrainnear fios a chur thugainn?



Cuir fòn thugainn an-asgaidh air: 0800 182 2222



Seirbheis Text Relay: 18001 +0300 244 4000 (do dhaoine a tha maol sa chlaisneachd)



Luchd-cleachdaidh Cànan Soidhnidh Bhreatainn: contactscotland-bsl.org



Còmhraidh-lìn: chat.socialsecurity.gov.scot

Dè an fhianais a bhios a dhith?

Bidh e comasach dhan mhòr-chuid iarrtas a dhèanamh gun a bhith a' cur fianais thugainn. Seo a chionn 's gum bi sinn a' faighinn a-mach bho Roinn na h-Obrach is nam Peinnseanan agus HMRC am bi thu a' faighinn sochair no creideas cise buntainneach.

Feumaidh sinn fianais gu bheil uallach air an neach a tha a' dèanamh iarrtas airson an leanabh, mar as trice tron leanabh a bhith air ainmeachadh air tagradh shochairean. Faodaidh luchd-dàimh a tha a' toirt seachad cùram uallach a nochdadh airson leanabh le òrdugh laghail sònraichte, aonta sgriobhte le ùghdarras ionadail no, ann an cuid de shuidheachaidhean, litir taice bho ùghdarras ionadail.

Am feum iad fiosrachadh mun cèile?

Feumaidh, ma tha sibh a' fuireach san aon dachaigh agus ma tha sibh:

- pòsta aig a' chèile
- ann an com-pàirteachas sìobhalta còmhla
- a' fuireach còmhla mar gun robh sibh pòsta.

Dè thachras ma dh'atharraicheas suidheachadh cuideigin às dèidh dhaibh iarrtas a dhèanamh?

Feumaidh daoine innse dhuinn ma dh'atharraicheas an suidheachadh aca aig àm sam bith. Tha seo airson dèanamh cinnteach gu bheil iad a' faighinn a h-uile càil air a bheil iad airidh. Dh'fhaodadh seo gabhail a-steach atharrachaidhean air na sochairean a gheibh cuideigin no càite bheil iad a' fuireach.

Ciamar a thèid daoine a phàigheadh?

Thèid teaghlaichean a tha airidh a phàigheadh don chunntas a thagh iad. Thèid pàigheadh Biadh Tòiseachaidh as Fheàrr a chur air cairt.

A bheil buaidh aig na pàighidhean seo air sochairean eile?

Chan eil. Cha tèid sùim a ghabhail orra airson measaidhean sochair na RA.